

# Намрар газр хагъллгъиг чинртӓгъӓр кехӓр зӓтгджӓцхӓнӓ

Намрар газр хагъллгъиг цагтнь, сӓн чинртӓгъӓр келгън—тӓрӓнӓ ургъц икдӓллгънӓ агротехническ керг-тӓр болджана. Намрин хагълц—газрт ус хоршадж, тӓрӓнӓ ургъцд хорлтан халдадг ӓвс, хорха уурулдж, газрт кергтӓ ӓмтӓ хамгиг ӓмлӓлдж, тӓрӓнӓ ургъциг 2-3 холван икдӓлх эваргъ ӓгнӓ. Хагсу ганъгта зӓн-ӓмн ӓзгт бӓӓрлдг Хальмг танъггчин газр-усна бӓӓдлд, тнь, сӓн чинртӓгъӓр намрар хагълц келгън нег ӓлӓ орм эзджӓнӓ. Юнъгад гихлӓ, тӓрӓнӓ газр нургълдж ӓвлд ундг пасна усар идӓлгднӓ, зуна цагт болхла хур-чинг багъ болна. Тегӓд хаврин цуг тӓрӓнд намрар, ӓӓдӓн чинртӓгъӓр газр хагълдж белдлгън—селӓнӓ эдл-ахун кӓдлӓчирин эрки тӓрнь болдг.

Ниднин джил Мало-Дербетовск МТС 21 минъгън 69 га газр намрар хагълдж хаврин тӓрӓнд белдлӓ. Намрар хагълсн газрар тӓргдсн хаврин тӓрӓнӓ ургъцнь йирин йилгъӓн ик болдгнь ода кенд чигн медгдджӓнӓ. Тер учрар, бидн намрар газр хагъллгънд ик гидг чинр ӓгч кӓдлджӓвдн.

Сентябрь сарин 5-д 15 минъгън гектар хагълх зурагъас 8 минъгън 600 гектар газр хагългдв, эс-гидж цуг зуран 57 процентнь. Намрар газр хагъллгъна кӓдлмшиг „Путь к коммунизму“ гидг колхозин 5-ч бригад сӓӓнӓр кедж йовна. Эн бригад (бригадирнь ӓр Соколов) 1260 гектар газр хагълд, зурагъан 63 процент кӓцӓсн бӓӓнӓ.

Тракторн бригадмуд болн механизатормуд хоорнд социалистическ дӓрлдӓн ӓргӓр

делгрдж йовна. Соколовин бригадин трактор болгънд дундлад 252 гектар газр хагългдв; 1350 гектар газр хагълсн Чертковин бригадин нег трактор болгънд 225 гектар газр хагългдв. Трактористр В. К. Павлов, А. Е. Коновалов, И. В. Перекрестов, И. И. Фролов ахта кӓдлмшин цагтан 6 гектар газр хагълхин ормд 8-9-д гектар хагълд, кӓдлмшин ӓлгӓр ӓзӓлдж йовцхана.

МТС-н дирекц болн эклц партийн организац намрар газр хагъллгънд кедж йовх дӓрлдӓнӓ йовуд хӓлӓгъӓд, нӓӓрлгчд ӓггддг Улан тугиг ӓр Соколовин бригадг ӓгв. Бригадин коллектив 300 арслнь мӓнъгӓр мӓрӓлгдв.

„Путь к коммунизму“ гидг колхозд кӓдлдж йовх 3-ч номертӓ тракторн бригад, Ильичин нертӓ колхозд кӓдлджӓх 11-ч тракторн бригад газр хагъллгъна зурагъан уданар кӓцӓдж йовна. Эн хойр бригад тус-тустан 2000-2300 гектар газр хагълх зӓвтӓ, хагълсн газрнь болхла 820-980 гектар газрас давад уга. Тим сул кӓдлмшин учриь—бригадирмӓд ӓӓрмӓд Мунтаев болн Ефентьев эврӓ бригадстан кӓчкӓленӓ диг-дара сулдхсн учр болджана.

Мана МТС намрар газр хагълдж белдлгънӓ зурагъан цагтнь, ӓзмджтӓ сӓӓнӓр кӓцӓх эваргъта. Цуг механизатормуд трактор болгънд икар газр хагълдж, Алдр Октябрин 40-ч ӓӓнд сӓн белг белдхӓр зӓткджӓцхӓнӓ.

Н. И. КИЧАПОВ,  
Мало-Дербетовск МТС-н  
ах агроном.